

17

**S**Arhaftige vñ  
Gründliche Newe Zeyt-  
tungen/ So jetzt dises lauffenden  
77. Iars/den 24. Augusti/ desgleichen  
den 21. Septembris/vnd 12. Octobris/  
sich in Anto:ff mit zerschlaiffung dess  
Castells oder Vestunge/ vnd andern Niderländischen Stens  
den verlossen/vnd weiters derselben Landen / laut etlicher  
warhafften schreiben/so für nemlich einer hohen person/was  
sich verners eraignen möchte/schüsslich vertraut/ Letstlis  
chen würdt auch hierin vermeldet / was sich in kürzen zeyt-  
ten zu Königspurg in Preussen vnd Prefsla/desgleic  
hen Danzig vnd Lübeck zugetragen/ Al  
les in kürz zusammen verfasset / vnd in  
Truck gegeben/durch Bernhart  
Mayer/von Augspurg.

1577.



## Zu Ehren/

Dem Ehrwürdigen inn Gott Vatter vnd Andächtigen  
Herrn/Herrn Veyt von Gottes Genaden Abte dess  
Würdigen Gotshaus zum Nünchßberg bey Bam  
berg/ ic. Meinem Genedigen Herrn.

**S**iſt vielleicht bilen Personen  
 wiffent/was jamer vñ not Gotterbarms  
 sich lange Jar her in Niderlanden eraig-  
 net hat/vnd mit was verderblichen scha-  
 den/sollichs an manchen Christen menschē  
 begangen / wiewol man jnnerdat verhoffenlich/ der  
 liebe Gott solte dero einſten ſollichen jamer vnd plüt-  
 uergiessens ein ende machen / dasselbige nach ſeinem  
 vättterlichen willen einſtellen/wie er dañ der rechte vñ  
 ewige Friedenfürst iſt/ Aber wir ſehen vnd befinden/  
 das es ſchier je lenger je erger/vnd wenig güts zuuer-  
 hoffen/ ſonder einem newen verderbliche Krieg gleich-  
 ſihet/an welchen verderben vnd plütuergiessen / nie-  
 mandt ſchuldig dann wir Sündige Menschen / bey  
 welchen keine rechtgſchaffne büſt vnd erkandtnus der  
 Sünden will gethon vnd gewürcket werden.

Damit ich aber was hierin zuerzehlen vñ nöten/  
 zum anfang greiffe/ ſo haben die Stende des Nider-  
 landes vor lengſt vnd oſtmals practicirt / wie ſie der  
 veſtunge oder Caſtel zu Antdorff möchten bey kom-  
 men/vnd dasselbige vnder jren gewaltt bringen / wie  
 dañ ſolches den 24. Auguſtij/ diſes 77. Jars / von jnen  
 endlich beschloſſen/ auch mit der that begangen/ dañ  
 die drey Feinlein Wallonen/ die in der Veſtung gelegen  
 ſein zu der Burgerschafft gefallen/ die Teutschen mit  
 gewaltt auf dem Caſtel geſtoſſen vnd geschlagen/vnd  
 alſo die ganze Burgerschafft vnd gemein/ klein vnd  
 groſ/ vorgemelten Monats tag Auguſtij/ vmb zwölff  
 vhr nach mittag darob ſich dañ vil leut erſtōret/daz

ratt gesallen vñ gearbaitet/dē graben gegen der Stat aufgefillet/vñ wurd die Statt vmb vnd vmb stark gemacht/vnd da vorhin das Schloß gestanden/ jetzt mit der Stattmaur beschlossen.

Der Herr Polweiler ist von Reuermondt auff- gebrochen/welcher sich zu dem Don Joan de Austria begeben/der soll albereit ob 20. Teutscher fendlein bey sich zu Naumur haben.

Herr Georg von Fronsperg ist zu Bretta mit 25. Fendlein Wallonen beleget/ aber endlich die Statt vssgeben worden/vñ wurd also sampt dem Carl Hugger/vnd dem Monsar de Türlon/gewesner Castellon inn Antdorff/ zu Prussel gefänglich erhalten/mit welchen es ganz gefährlich steht/vnd der Stände lä- ger helt sich bey Herzog Busch.

Den 3. Septembus/ist das Schloß oder Castel zu Antdorff ganz vnd gar abgebrochen / welches sich vō wegen des gewaltigen gebews/ dermassen so vest befunden/das sie dasselbig mit grosser mühe vñ arbeit abgerissen/vnd die burger jetziger zeit hero/selbst die wacht versehen/vnd sich ganz dapffer stellen.

Den dreyen fendlen Wallonen/welchen dē Sten- den das Castel zu Antdorff zu gutem erhalten / ist je- dem/zu sampt jrer bezalung/jr lebenlang pension von der Statt Antdorff zu empfahlen/verordnet worden.

Heut dato ist der Graß von Egmondt alher kö- men/vnd wieman vermeint/sollen die Soldaten be- zahlt werden/das Schloß zu Gendt ist auch abgebio- chen/sonst sein die strassen gar sicher zu wandern.

Die Schiff/so mit wahr auf Spania vnd Por-  
A ij tugal

tugal/ vor disem in Seelandt ankomen sein / hat der  
Prinz von Oranien passirn lassen / sein jetzt zu Ant=  
dorff desgleichen sonst andere guoter/ so vor disem ge=  
flehet/widerumb in die Statt gebracht worden/da=  
mit die handlung aber ein wenig inn schwang kommen  
möchte/sollen obgedachte Schiff widerumb zu ruck  
mit wahren geladen/vnd nach Spania absarendt.

Es sein etliche practica vor disem vorhanden ge=  
west/ also/das wo der Prinz von Oranien dem sel=  
ben nit zuuorkommen/vn so getrewe warnung gehabt  
het/weren jr vil der firnembsten diser Landen vmb  
die Kopff kommen.

Sie von Flandern haben den Stenden zu gutem  
vmb ein anzahl Reutter vnd füfvolck zu vnderhal=  
ten 6000.gulden zu geben verwilligt/ albie ist gleicher  
massen ein ansehnliche Schatzung angelegt worden/  
vnd neben abprechung des Schloß/wirdt die Statt  
sehr besfestiget.

Sie vō Püssel sehen sich auch in allem ganz für=  
tressenlich für/vnd haben neben andern geschütz/ de=  
ren sie <sup>26.</sup> auf dem Castel zu Antdorff bekommen/diesel=  
ben vss die mauren gesetzt/vnnd stellen sie also/ im fall  
der not/da don Jan de Austria gegen jnen etwas mit  
ernst firnemē wurde/zur gegenwehr gleichwol durch  
eine auf Püssel geschubben würdt/das man eines fri=  
dens guoter hoffnung/dann Joan de Austria hat sich  
gegen den Stenden höchlich beschwert/vnd mit ver=  
meint/ das sie sich gegen jme also vnfreundlich erzei=  
gen solten/mit mehrern vmbstenden/das er jnen auch  
das Schloß albie zu jrem willen eingeantwortet/das  
las ich also in seinem werdt berhuen. Dem

Sem don Joan de Austria/würdt nit mehr von den Stenden vertraut/vn würdt verhofft/da es zu bestendigen friden kommen solte/das er nicht mehr zu einer Gubernator diser Landen sonderlich vermuten/der jetzigen Ray:Mitt:Brüdern einem/zu einem Gubernator vō jrer Rö:Mitt:möcht verordnet werden.

### Zeytung ausz Königspergk.

Als Königsperg ist jungst wegen des Moscovi-  
Aters meldung beschehen/der schafft in Lüßlandt  
nach allen seine willen/ auch von niemandts wi-  
derstand/Wenden, Glockenhausen/Tripoden/Lud-  
zeme/Rositten/Warttenhausen/vnd andere Stätt  
vnd heuset mehr/sein alle hinweg vn vnder seinem ge-  
walt/Glockenhausen hat sich ein wenig gehalten/be-  
sorg aber schon hin sein/also das nichts mehr vbrigges/  
dan Zurlandt/Regia/vnd Reuel/das geschrey geht  
aber/er hab schon hinein in Samkeiten gestreift/def-  
selbigen aber nimpt sich niemandt an/also das sollichs  
mehr für ein straff Gottes gehalten würdt.

### Zeytung ausz Lübeckh.

Ihr habt zweiffels ohn vernommen/wie das der  
Gatory vor Dantzig abgezogen/vn sich hernach  
etlich tag in dem Werdter verhalten/welcher a-  
ber volgends ein Edict durch Polen/Ungern/vnd  
Sibenbürgen hat aufgehñ lassen/nemlich wer jme zu  
ziehe wölle/sol mit guter gewisen besoldung versehen  
A iii sein/

sein vnd nach eroberung der Statt Dantzig / so nit lang anstehn soll / einen guten Raub zugewarten ha=ben / darauff jme vil Heyducken vnd ander los volk zugelassen / also das er strack's mit 25000. Mann stark für Dantzig gerückt / die Statt vnd das Blockhaus aufs hártest belägert / darauff einen thewren eyd ge schworen / von der Statt nicht abzuweichen / er hab sie dañ zuvor in den grund verderbt / vnd sol auch des Kindts in muter leib nicht verschonet werden.

Vor acht tagen sein die von Dantzig heraus gefallen / haben gedachtem König vil schaden zugefügt / vnd jm etlich vil reisige erlegt vn erschlagen / jme auch in die 200. schöne pferdt in die Statt gebracht / darab menigklich grosse frewd empfangen / Gott geb weit=ters sein Genad.

Wie man guter hoffnung ist / werde der Batory von wegen der Pioniant / mit souil volk's dero orten in die leng sich nicht aufs halten können.

### Zeytung ausz Preßla.

**H**undt dato den 31. Octobris / ist ein burger auf Königspurg verreist / alher gen Antdorff ankōmen / zeigt an / das der Batory oder Polnischkönig / sich gegen dem Plockhaus / über die Weichs mit allem seinem volk gelägert / sich verschangt / angefangen bey sechs tag vn nacht zu schiessen / also das er den thurn mitten im Blockhaus / darauff die Laterna o=ben gar eingeschossen / vn den obern krautz am block=haus herumb gar stumpff gemacht / also haben sie die auf

7.

auf dem Blockhaus gegen der Statt vnd des Batory leger/  
dermassen vñ so gewaltig hoch verschantzt / das sie auf jren  
schanzen/gar in des Patiers lager künden schiessen / wie sie  
dān auch etliche von seinen grossen stücken / so sie getroffen /  
so gar verderbt/das er dieselben nicht mehr gebrauchen kan/  
jme auch etliche Büchheimmeister erschossen/ vber dz ist auch  
gedachter Batory willens/Schiffsprucken vber die Weychsel  
zu bauen/vnd das blockhaus zu stürmen/welches die Dantz-  
ger gar gern sehen/vnd sein der hoffnung/das er sie auf sei-  
ner schantz begeben / sie jme alsdann wol beykommen wolten/  
sonst lauffen zu Dantzig täglich Schiff auf vnd ein/vnd beim  
Blockhaus für vber fahren / so schiessen die von den Schiffen/  
desgleichen vom Blockhaus/oder auf jren schanzen also/dz  
die Schiffen rauh fürüber kommen/vñ der Batory jnen durch  
aus nichts zufügen kann.

Der Batory hat zu Königspurg/desgleichen Elbing vñ  
Thoren umbschlagen lassen/begert volck zum stürmen/deren  
er nit bekommen kan/dān sie dieselben beklagen der bezalung/  
dān kein gelt vorhanden.

Er zeigt auch an / wie das jme vnderwegen vil Volcks/  
als Polen vñ andere derselben theils / die arm weckh geschoss-  
sen/vnd sonst hart verwundet/vnd zu 20. vnd 30. auch mehr  
er theils/so mit einander zichen/dem Batory entlauffen/be-  
gegnet sein / die wöllen obangeregrter massen nicht mehr dies-  
nen/sonder das sie auf not abziehen müssen.

Der Grass Ferdinandt von Hardeck/ist mit seinen pfers-  
den zu wasser in Dantzig ankommen / hält sich im aussfallen  
ganz ritterlich vnd wol/vnd demnach die Dantzier täglich  
aussfallenthon/vnd sie dem Batory nicht wenig schaden zu-  
fügen.

Von Ginen kombt zeytung/das die Polen abermals vō  
den Dantzern grossen schaden erlittē / darunter etliche für-  
neme polnische herin gefangen vnd erlegt worden.

Abermals kommt zeytung auf Polen/nemlich das die vō  
Dantzig den Patory auf dem Feldt geschlagen / sein meistes  
volck

volck erlegt/das Läger geplündert/vnd er selbst mit wenig  
pferden zu Marienburg ankommen sein/was des Reichs Ge-  
sandten aldo an jne begert/daruon ist noch kein grund ver-  
handen/das soll auch hernach vnuerhalten sein.

Des Patory vberblibne Polen/vnd ander Kriegsvolck/  
sein jm vollendt ohne besoldung entloffen/darzu sie auch mit  
prouiandt nit verschen gewest/dieses wirt von etlichen teuts-  
chen/welche alher kommen/vnd dem Patory gedienet/confirs-  
mirt.

So hat man auch gewise zeytung/das der Moscowiter  
in eigner person sehr starck in Littaw vnd Islandt ankom-  
men/der dann dieselben Landt jemerlich verwüst vnd bekrie-  
gen thut/wie er dann in Islandt schon etlich Schlösser einge-  
nommen/auff welichs die Littawer Rath gehalten/weil sie  
sich beim Bathory keiner hilff zugetröstten/mit was conditi-  
on/sie sich dem feind/zuuverhütung mehrer verderbung/erge-  
ben wollen/vnnd wie man sagt/sollen sie schon entschlossen  
sein/des Moscowiters Jüngern Sohn/für ein Grossfürsten  
in Littaw anzunemen/vnd scheint also mit allein der Polen  
verderben gespürt/sondern zubesorgen/andere auch herhal-  
ten müssen.

Auf Prag/den 29. Octobris.

**N**ber das finden sich schreiben nach Turnberg/das sie per  
posta für gewiss haben/Bathory sey inn ermeldter flucht  
erschossen vnd todt/ob dem also/wurd man auf Wien mit  
mehrern grund zuuernemen haben.



Gedruckt zu Frankffurt.

1577.